

Powšitkowne WOZJEWJENJA

njedźelu, 13. apryla 2014

Swjedźenski nyšpor składnostnje swjatoprajenja

Towarstwo Cyrila a Metoda zarjaduje njedźelu, 27. apryla, w 14 hodź. w Chrósćicach swjedźenski džakny nyšpor składnostnje swjatoprajenja bamžow Jana Pawoła II. a Jana XXIII. na tutej njedźeli Božeje miłosće w Romje. Na nyšporje zanjese chór Lipa zhromadnje ze skupinu Po štyrjoch a dźewjeć solistami ze swójskich rjadow, smyčkowym kwartetom a domjacymi pišćelemi „Historiju wo zrowastanjenju Jězu Chrysta“ wot Heinricha Schütza w serbskej rěči.

Zanjesu hudźbnu twórbu z jutrownym poselstwom

Na nyšporje w Kulowskej wosadnej cyrkwi zaklinči sobotu, 26. apryla, we 18.00 hodź. „Historija wo zrowastanjenju Jězu Chrysta“ wot Heinricha Schütza přeni raz w serbskej rěči. Dalše předstajenje budže na swjatočnym nyšporje Towarstwa Cyrila a Metoda njedźelu, 27. apryla, w 14.00 hodź. w Chrósćanskej cyrkwi. Wšitcy su wutrobnje přeprošeni.

Přiležnosť k swjatej spowědži w Róžeńće

póndźelu, 14. apryla 18.30 - 19.30 hodź.	farar M. Anders, farar D. Dzikiewicz, farar C. Hrjehor, kapłan O. Gonda
wutoru, 15. apryla 18.30 - 19.30 hodź.	farar G. Warnar, farar M. Anders, farar M. Ulrich, farar S. Foelz

Křižowy puć młodžiny w Njebjelčicach

Dekanatna młodžina modli so křižowy puć bołmončku, njedźelu, 13. apryla, w 14 hodź. w Njebjelčicach. Wšitcy młodostni su wutrobnje přeprošeni sobu kročić. K zahajenju zetkaja so w cyrkwi.

Póstny wopor młodžiny

Póstny wopor młodžiny zběra so lětsa za projekt w afriskim Malawiju. Pjenjezy nałoža so za džělowy grat młodostnych a za kóšty jich wukubłanja. Nadrobniše informacije su we wuwěšku we wosadach podate. Wobalki za póstny wopor leža w cyrkwjach.

Zamyslenje we wopomnišću

Na „Wulkopjatkowne zamyslenje“ přeprošuje Smochčanski Dom biskopa Bena pjatk, 18. apryla, w 10 hodź. do Budyskeho wopomnišća na Weigangowej. Spominać budže so na horjo woporow diktaturow 20. lětstotka.

Zamyslenje z hudźbu

Na hudźbne zamyslenje w rjedže Smochčanskeho jewišća přeprošuje Dom biskopa Bena wulki pjatk, 18. apryla, w 19.30 hodź. Mjez druhim zaklinči „Stabat mater“ Josquina des Préza. Wječor wuhotuje ansambl Chordophone z Budyšina.

Emmauske pućowanje

Wšitcy serbscy młodostni su tež lětsa na Emmauske pućowanje přeprošeni – a to jutrowny štwórtk, 24. apryla, do Salowa. Pućowanje zahaji so we 18 hodź. we wjesnej kapałce.

Duchowny koncert w Różeńce

Na dnju swjatoprajenja bamžow Jana Pawoła II. a Jana XXIII., njedźelu Božej miłosće, 27. apryla, wuhotujetej chór a orchester Serbskeho ludoweho ansambla pod nawodom Gabriela Doná duchowny koncert w Róžeńčanskej swjatnicy. Mjez druhim zaklinči Jana-Pawoła Nagelowa twórba „Strowa sy Marija“. Hudźbny nyšpor započnje so w 17 hodź.

Zhromadny dzeń za 1. a 2. lětnik

Pod hesłom „Jězus z mrtwych stany! je, haleluja!“ přeprašuje dekanatne dušepastyrstwo srjedu, 23. apryla, wot 9.00 do 15.00 hodź. džěci 1. a 2. lětnika na zhromadny dzeń do Don Boskoweho domu we Worklecach. Zajimcy njech so prošu hač do srjedy, 16. apryla, pod telefonowym čisłom (03 57 96) 8 87 07 přizjewja. Za wudawki dnja zběra so wot kóždeho wobdžělnika přinošk, kotryž wučinja tři eura.

Za wulět samostejacych so přizjewić

Samostejacy ze serbskich wosadow změja wutoru, 13. meje (nic kaž tydženja mylnje podate 3. junija), swój lětuši zhromadny wulět z busom, kotryž powjedže do Annaberga-Buchholza w Rudnych horach. Zajimcy njech so hač do wutory, 29. apryla, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotlivych wsow so njedźelu do wulěta wozjewja.

„Chodźić po rukomaj“

Składnostnje lětušich stotych narodnin zbóžneho martrarja Alojsa Andrickeho předstaji Budyske Němsko-Serbske ludowe dźiwadlo (NSLDž) zhromadnje ze Serbskim ludowym ansamblom (SLA) hru „Chodźić po rukomaj“. Spisała je ju Jěwa-Marja Čornakec, hudźbu skomponował je Ulrich Pogoda. Přichodne předstajenja budu srjedu, 16. apryla, w 10.00 hodź., sobotu, 26. apryla, w 19.30 hodź., njedźelu, 4. meje, w 16.00 hodź., sobotu, 10. meje, w 19.30 hodź. a pjatk, 16. meje, w 19.30 hodź. na hłownym jewišću NSLDž.

Dzeń k natankowanju za maćerje

W Smochčanskim Domje biskopa Bena wotměje so sobotu, 17. meje, dzeń za maćerje k natankowanju. Raz wšědny dzeń za sobu a džěci doma wostajić, raz chwile za sebje měć a prosće natankować, je zaměr tutoho dnja, kotryž budže Steffi Hoffmann nawjedować. Zajimče měli so bórže přizjewić pak pod telefonowym čisłom (03 59 35) 2 23 17 abo z mailku na referent@benno-haus.de.

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy wot 5. do 15. awgusta podać. Hić smě kóždy sobu, kotryž je 18. žiwjenske lěto docpěl. Zajimcy njech so přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.